

- 3) Igitabo cy'amashakiro y'ibinyabiziga by'ubutegetsi bwa Leta, iby'imishinga ya Leta n'iby'ibigo bya Leta byigenga n'ibigengwa na Leta;
 - 4) Igitabo cy'amashakiro y'ibinyabiziga by'ingabo z'Igihugu;
 - 5) Igitabo cy'amashakiro y'ibinyabiziga bya porisi y'Igihugu;
 - 6) Igitabo cy'amashakiro y'ibinyabiziga byinjijwe mu gihugu by'agateganyo;
2. Imikoreshereze y'igitabo cy'amashakiro y'ibinyabiziga by'abikorera ku giti cyabo, icy'ibinyabiziga byinjijwe mu gihugu by'agateganyo n'icy'ibinyabiziga bya za ambasade n'imiryango ifite ubusonerwe bishinzwe ibiro by'imisoro.
- ✓ **Imikoreshereze ya buri gitabo mu bindi bitabo by'amashakiro bishinzwe umutegetsi cyangwa abategetsi bashyirwaho ku buryo bwihariye na Perezida wa Repuburika.**

Ingingo ya 122:

1. Ibinyabiziga byavuzwe mu ngingo ya 121 ntibishobora kugenda mu nzira nyabagendwa bitabanje kwandikwa bisabwe na nyirabyo ku giti cye cyangwa undi muntu ubikoresha.

2. Nyamara, ntibigomba guhabwa inomeru zo mu Rwanda :

- a) *Ibinyabiziga byinjijwe mu Rwanda by'agateganyo* n'abantu badasanze bahatuye kandi ibyo binyabiziga bifite inomeru ibiranga yatanze n'ubutegetsi bw'Igihugu cyemeye amasazerano y'i Viyeni yo kuwa 8 Ugushyingo 1968 yerekeye ubuho bwo kugenda mu muhanda mu muhanda, kimwe n'ikimenyetso kibiranga giteganyijwe mu ngingo ya 37 y'ayo masezerano.
- b) *Mu gihe kitarenze amezi cumi n'abiri y'igihe byinjiriye ibinyabiziga byinjijwe mu Rwanda* bizanywe n'abantu bahatuye cyangwa se bagomba kuhatura kandi bifite inomeru ibiranga n'ikimenyetso kibiranga gikurikije ibyategetswe haruguru.

Ingingo ya 123:

A. Iyandikwa ry'ibinyabiziga by'abantu bikorera ku giti cyabo cyangwa ibya za ambasade cyangwa imiryango ifite ubusonerwe nk'ubwa za ambasade no ku bakozi b'izo za ambasade n'iyi miryango risabwa ibiro by'imisoro. Iryo sabwa riherekizwa nibi bikurikira:

1. **Iyo ari ikinyabiziga gishya: icyemezo cy'uwigikoze cyangwa cy'uwungirije, cyemeza ko ikinyabiziga cyatanze ari gishya kandi kikerekana:**
 - a. Ingeri y'ikinyabiziga;
 - b. Ikimenyetso cyangwa izina ry'uwoyakoze ikinyabiziga
 - c. Ubwoko bwacyo;
 - d. Inomeru yo shasi y'ikinyabiziga;
 - e. Inomeru ya moteri y'ikinyabiziga;
 - f. Ingufu za moteri;
 - g. Uburemere bw'ikinyabiziga igihe gifite ibyangombwa byacyo byose;
 - h. Uburemere ntarengwa bwemewe bw'ikinyabiziga;
 - i. Umubare ntarengwa w'abagenzi;
 - j. Umwaka ikinyabiziga cyakorewemo;

2. Iyo ari ikinyabiziga gishaje:

- a) Niba ikinyabiziga cyari cyarandikishijwe mu Rwanda iryo saba riherekizwa n'ikarita iranga ikinyabiziga yatanze mu gihe ikinyabiziga giherutse kwandikwa;
- b) **Niba ikinyabiziga kitarandikishwa mu Rwanda, iryo saba riherekizwa n'inyandiko igaragaza ibinyabiziga byavuzwe mu gika cya mbere cy'iyi nteruro.**
3. **Ukurikije uko ikinyabiziga kimeze,** isaba riherekizwa n'inyandukuro y'icyemezo kivuga ko icyo kinyabiziga gitangiyeho gukora cyangwa cyaje kitazatinda.
- B. Ibinyabiziga by'ubutegetsi n'ibigo byigenga kimwe n'ibinyabiziga by'Ingabo z'Igihugu bihabwa inomeru n'ubutegetsi bubigenga kandi bakamenyesha ibiro by'imisoro ibiranga ibyo binyabiziga kimwe n'ibimenyetso byahawe.**